

याकूब की पत्री याकूब उन चट्ठी परचिय

याकूब उन साटी परचिय याकूब उन कतिाब याकूब हेसुर इनव यातारा मंळसा द्वारा लखिसकु आगीत. ईव संभव यीशु उन वार्ट याकूब ईरोन, जो सुरूवाती मंडली दा ऊंद अधिकारी ईरोन अदकि यरूशलेम नगर इन हसिसा ईरोन प्रेरतिगोळ १५:१३ प्रेरति पौलुस आऊक गलातगोळ २:१ दा मंडली इन खंबा भी अंदुन. वधिवानगोळ मानसोद भी आद क याकूब उन कतिाब मसीह अन जनम इन ५० साल इन बाददा लखिसकु आगीत. यतकी याकूब यरूशलेम दा मंडली इन अधिकारी ईरोन, इदुरसाटी आव अल ईरतेला शायद कतिाब लखिसीदुन.

याकूब तान कतिाब इक “राज्यगोळ न्याड्या बखिरूस्द व्हार्या जनजातीगोळ” इक संबोधति माळदुन १:१ याकूब दा सप्पा च्या सप्पा मसीहगोळ मा लागु आगताव लेकीन “व्हार्या जनजाती” शब्दगोळ उपयोग ईद संभव आगतद क याकूब सीधा यहूदी मसीहगोळी लखिसोन. यतकी ईद कतिाब पाठकगोळ ऊंद व्यापक समुह ताका पोहचुसोर साटी माळीदुन. ईद हापाळ वषियगोळी संबोधति माळत. याकूब वशिवास अदकि कार्यगोळ न्याड्या संबंधगोळ मा ध्यान केंद्रति माळतान. खरा आराम कारवाई दा तोरसकु आदीत २:१७. आव धनवान लॉकुरी २:१-४ पक्षपात तोरसोर खलाप भी चेंतावनी कोळतान अदकि नामी हेळतान क नाव येन अनतेव ३:१-१२ रूप-रेखा

१. याकूब तान पाठकगोळी धन्यवाद कोळतान. १:१

२. ईदुर बाद्दा आव मसीहगोळी सहन माळोर साटी पुरोत्साहति माळतान याग आंदुर बमिर आगतार. १:२-२७
३. बाक आव अनतान कविश्वासगोळ माध्यम देल वश्वास इन साटी ह्यांग जरूरी आद. २:१-२६
४. अदुर बाद्दा आव अनतान क्वा यास शक्तशाली शब्द आग सकतांव. ३:१-१२
५. आग याकूब हेळतान क्वा ह्यांग परमेश्वर उन ग्यान दुनया अन ग्यान से अलग आद. ३:१३-४:१०
६. ईदुर बाद्दा आव तान पाठकगोळी घमण्डी आगा खलिाप चेतावनी कोळतान. ४:११-५:६
७. याकूब थ्वाळासा साधारण नर्देश कोटकु तान क्वा खतम माळतान. ५:७-२०

1 *परमेश्वर उन अदकि प्रभु यीशु मसीह नव दास याकूब उन दी टु आ हन्नेळ गोत्रगोळी जो ततिर-बतिर आगकु ईरतार नमस्कार पोहचुसुल.

वश्वास अदकि बुधमिनी

2 हे नान वार्दुरा अदकि आकतींगेरा, याग नीव अलग प्रकार इन परीक्षागोळ दा बळी, रा इदरी पुरा खुशी इन मात समसी, 3 ईद जान्सकु क्वा नीम वश्वास इन परख आगदुर देल धीरज पैदा आगतद. 4 लेकीन धीरज इक तान सप्पा क्वाल्सा माळगोळी क्वा नीव पुरा अदकि सद्धि आगेगी, अदकि नीम दा यातोदु मात इन कमी ईरबाळुल.

5 लेकीन नीम दा टु यारीकारा दमाक इन कमी ईरूल रा परमेश्वर से बेळुल, जो सप्पा मुंदुरी बनिा दोष हचकु अनुग्रहपुरवक कोळतान, अदकि आऊक कोटकु आदीत. 6 लेकीन वश्वास देल बेळुल, अदकि येनु सक माळबाळुल, यतकी सक

* 1:1 १:१ मत्ती १३:५५; मरकुस ६:३; प्रेरतिगोळ १५:१३; गलातगोळ १:१९

माळावाळा समुद्र अन्द लयर इन घाई आन जो हवा देल वाहुसतद अदकि हारतद. ⁷हगि मंळसा ईद समसबाळुल कनिनी प्रभु उन हाती टु येनारा सकिकीत, ⁸आ मंळसा येदढ चतितवाळा हुन अदकि तान सप्पा मातगोळ दा संची हैलेच.

गरीबी अदकि अमीरी

⁹गरीब वारटुरा याग परमेश्वर नीमी धोळ्द पद कोळतान रा खुशी माळी, ¹⁰अदकि अमीर तान नीच दशा मा; यतकी आव काड्डा अन्द फूल इन घाई ओळेदान. ¹¹यतकी सुर्य अन होळतेला अच हापाळ बसिल बळितद अदकि काड्डा अक वंळ्गास बुळतद, अदकि अदुर्द फूल झळसेगतद अदकि अदुर शोभा नाश आगेगतद. ईदा प्रकार अमीर भी तान हादी मा नळुत-नळुत नाश आगेदान.

परख अदकि लालच

¹²धन्य आन आ मंळसा जो परीक्षा दा स्थरि ईरतान, यतकी आव सही होटकु जीवन इंद अद मुकुट हासलि माळ्यान यदुर्द वादा प्रभु तान प्यार माळावाळेर से माळ्यान. ¹³याग यारदारा परीक्षा आगुल, रा आव ईद अनबाळुल कनिन परीक्षा परमेश्वर उन दी टु आगतद; यतकी ना रा बेकार मातगोळ से परमेश्वर उन परीक्षा आग सकतद, अदकि ना आव यारदारा परीक्षा खुद माळतान. ¹⁴लेकीन हर ऊंद मंळसा तांद अच बेकार अभलिषागोळ देल जेडुकु अदकि फसुसकु परीक्षा दा बळितान. ¹⁵बाक बेकार अभलिषा व्हाट्टा दी ईतकु खुद इन नरिमाण माळतद अदकि पाप याग पुरा रीर्ता देल वाळुसगतद रा मृत्यु उक तयार माळतद.

¹⁶हे नान प्रयि वारटुरा अदकि आकतीगेरा, ध्वाका तनिबाळी. ¹⁷यतकी हर ऊंद वळ्लीद दान अदकि हर ऊंद परपिरण उपहार स्वर्ग टु अच आद, अदकि अद आ परमेश्वर उन द्वारा ज्योर्ता याव स्वर्गीय प्रकाश इक माळ्यान ल्यालमा तनकु आगताव,

आव हमेशा बदलुसत सावली घाई बदलुसालुन. 18 आव तांद अच इच्छा देल नामी सच्चवाई अन्द वचन इन द्वारा तयार माळदुन, कनिाव आऊन दुनयिा दा जो वस्तुगोळ आव अऊर दा टु ऊंद प्रकार इन पयला काय आदेव.

केळोद अदकि माळोद

19 हे नान प्रयि वारटुरा अदकि आकतींगेरा, ईद मात नीव जान्स कोमी: हर ऊंद मंळसा केळोर साटी तत्पर अदकि माताळदुर दा धीर अदकि सट्टि दा धीरा ईरूल, 20 यतकी मंळसा अन्द सट्टि परमेश्वर उन न्यायी उद्देश इक प्राप्त माळ सकाल्द. 21 इदुरसाटी सप्पा मईलपन अदकि दुश्मनी भाव इन बळती इक दुर माळकु, आ वचन इक नम्रता देल ग्रहण माळकोमी जो मन दा बोऊस्कु आत अदकि जो नीम उद्धार माळ सकतद. 22 सरिफ केळावाळेर अच ईला जो तान तान इक ध्वाका कोळतार, लेकीन वचन मा नळावाळेर बनसी. 23 यतकी जो यावारा वचन इन केळावाळा ईरूल अदकि अदुर मा नळावाळा ईला आगुल, रा आव आ मंळसा अन्द घाई आन जो तान स्वाभावकि मार्रा आरसा दा नोळतान. 24 आव तान तान इक नोळकु होटोगतान अदकि तुरन्त मारतोगतान कनिा ह्यांग ईरीन. 25 लेकीन जो मंळसा स्वतंत्रता अन्द सद्धि व्यवस्था मा ध्यान माळतान, आऊक परमेश्वर आऊन क्याल्सा दा इदुरसाटी आशीष कोट्टान कि केळकु मारालुन लेकीन हांग अच क्याल्सा माळतान. 26 येन नीम दा टु यावारा तान तान इक न्यायी समसतान? अगर नीव तान लयालग्या अक वश दा माळ सकालीर रा नीव तान तान इक ध्वाका कोळतीर अदकि नीम न्यायीपन बेकार आद. 27 नाम परमेश्वर अदकि आप्प उन हात्ती शुद्ध अदकि नर्मल भक्ती ईद आद कि अनाथगोळ अदकि रांडयागोळ्द क्लेश दा आऊन सुधी ताकोमुल, अदकि तान तान इक दुनयिा से नष्कलंक ईटुल.

2

पक्षपात इन खलिाप चेतावनी

1 हे नान वार्दुरा अदकि आकतींगेरा, नाम महमियायुक्त प्रभु यीशु मसीह मा नीम वशिवास पक्षपात इन सांगुळ आगबाळुल. 2 समसी अगर ऊंद धनवान मंळसा व्हान्ना अनूद छल्ला अदकि सुंदर फळक्या हाक्कु नीम सभा दा बरूल, अदकि ऊंद गरीब मंळसा भी रेदुसदव फळक्या हाक्कु बरूल, 3 अदकि नीव आ सुंदर फळक्यावाळा अनूद चेहरा नोळकु अंदीर, “नी अल वळ्लीद जागा दा कुर,” अदकि आ गरीब मंळसा से अंदीर, “नी ईल नदुरकु ईर,” या “नान कालगोळ हात्ती कुर.” 4 रा येन नीव आपस दा भेद-भाव माळीदलि अदकि बेकार उद्देश देल न्याय माळावाळेर ठहरूसीदील? 5 हे नान प्रिय वार्दुरा अदकि आकतींगेरा, केळी. येन परमेश्वर ई दुनिया अनूद गरीबगोळ्द चुनाव माळीदलि क्क वशिवास दा धनी अदकि आ राज्य अनूद अधिकारी आगुल, यदुरद वादा आव आंदुर से माळ्यान जो आऊन से प्यार ईटतार? 6 लेकीन नीव गरीब उन अपमान माळदीर. अदकि आंदुर यार उर जो नीम मा अत्याचार माळतार अदकि नीमी कचेरीगोळ दा जेडु जेडुकु ओयतार?

7 येन आंदुर ईदुर आल्लच जो मसीह अन वळ्लीद हेसुर इंद अपमान माळतार? जो नीमी कोटकु आग्याद. 8 तरी भी अगर नीव पवत्रिशास्त्र अनूद ई वचन इन अनुसार क्क “नी तान मान्ना हातळेर वाळेर से तान घाई प्यार ईट” खराखुरा आ राज व्यवस्था अक पुरा माळतीर, रा वळ्लीद अच माळतीर. 9 लेकीन अगर नीव लाँकुरद बाहरी पहराव नोळकु व्यवहार माळतीर, रा नीव पापी आईर, अदकि व्यवस्था नीमी नयिम मुरावाळा ठहरूसतद. 10 यतकी जो यावारा सप्पा व्यवस्था अनूद पालन माळतान लेकीन ऊंद अच मात दा चुकसेगुल रा आव सप्पा मातगोळ दा दोषी ठहरूसकु आग्यान. 11 याव ईद अंदुन,

“नी व्यभचारि माळवाळेत,” आवा ईद भी अंददिन, “नी हत्या माळवाळेत,” इदुरसाटी अगर नी व्यभचारि रा माळीदलि लेकीन हत्या माळद तरी भी नी व्यवस्था अन्द उल्लंघन माळावाळा ठहूसद. 12 नीव आ लॉकुर घाई वचन माताळी अदकि क्यालसा भी माळी, यार्द न्याय आ व्यवस्था अन्द अनुसार आदीत जो नामी स्वतंत्र माळतद. 13 इदुरसाटी जो दयालु हैलेच आऊन साटी परमेश्वर उन न्याय भी बनिा दया अन्द अच आदीत लेकीन दया न्याय मा वजियी आद.

वश्वास अदकि कर्म

14 हे नान वार्दुरा अदकि आकतींगेरा, अगर यावारा अनुल कनिानी वश्वास आद लेकीन आव कर्म माळालुन, रा इदुर से येन फायदा? येन ईत्ता वश्वास यागल्यारा आऊन उद्धार माळ सकतद? 15 अगर यावारा वार्दुरा या आकतींग इन हाती जंग कपळा ईरूल अदकि आंदरी हर रोज भोजन इंद कमी ईरूल, 16 अदकि नीम दा टु यावारा आंदुर से अनुल, “शांती देल होगी, नीमी पर्याप्त कपळा सकिल अदकि नीव वळ्लीद खाना तीनकु संतुष्ट ईरी,”

लेकीन जो वस्तुगोळ मय इन साटी जरूरी आव अव आंदरी ईला कोळुल रा येन फायदा? 17 हांग अच, अगर वश्वास भी कर्म सहति हैलेच रा तान स्वभाव दा सोतकु आद.

18 अगर यावारा अनतान, “नीनी वश्वास आद अदकि कर्म ना माळतीन.” नी तान वश्वास नानी कर्म इन बनिा रा तोरस; अदकि ना तान वश्वास तान कर्मगोळद द्वारा तोरसाईन. 19 येन नीनी वश्वास आद कि ऊंद अच परमेश्वर आन? नी वळ्लीद माळत्या. दुष्टआत्मा भी वश्वास ईटताव, अदकि नळगताव. 20 लेकीन हे नकिम्मा मळसा, येन नी ईद भी अरू सकाल कि कर्म इन बनिा वश्वास व्यर्थ आद? 21 याग नाम पुर्वज अब्राहम तान पार इसहाक उक वेदी मा यर्सदुन, रा येन

आव कर्मगोळ देल न्यायी ईला ठहरूसीदुन? ²² इदुरसाटी नी नोळ कोंड कि विश्वास आऊन कयाल्सागोळ सांगुळ मल्लिसकु प्रभाव हाक्याद, अदकि कर्मगोळ देल विश्वास सदिध आत, ²³*अदकि पवतिरशास्त्र अनंद ईद वचन पुरा आत: “अब्राहम परमेश्वर उन विश्वास माळदुन, अदकि ईद आऊन साटी न्यायी आळुकु आदुन,” अदकि आऊक परमेश्वर उन संगी अंदकु आत. ²⁴ ई प्रकार नीव नोळ कोंडीर कि मंळसा सरिफ विश्वास देल अच ईला, उलटा कर्मगोळ देल भी न्यायी ठहरूसकु आगतान. ²⁵ हांगा राहाब वेश्या भी, याग आक स्वरगदूतगोळी तान मान्या ईळसदुर अदकि दुसरा हादी देल वदिा माळदुर, रा येन आक कर्मगोळ देल न्यायी ठहरूसदुर? ²⁶ हांगा ह्यांग मय आत्मा अनंद बनिा सोतकु आद, हांग अच विश्वास भी कर्म इन बनिा सोतकु आद.

3

ल्यालग्या अक वश दा माळोद

¹ हे नान वारटुरा अदकि आकतीगेरा, नीम दा टु हापाळ सा लाकुर शक्तिा कोळावाळेर बन्सबाळुल, यतकी जान्सतीर कि नाव शक्तिा कोळावारळेद यक्कुल गंभीरता देल न्याय माळकु आदीत. ² इदुरसाटी कि नाव सप्पा मुंदुर हापाळ घन चुकसेगतेव; लेकीन अगर यावारा माताळदुर दा यातोदारा भी गलती माळतीदील रा आव ऊंद सदिध मंळसा आन अदकि सप्पा मय मा भी नयिंतरण ईट सकतान. ³ याग नाव तान आग्या मानसुसोर साटी घ्वाळा अनंद बाय दा लगाम हचतेव, रा नाव अदरी बाक यल चाहे अल तरिगुस सकतेव. ⁴ जहाज भी, हगि धोड्डेव ईरताव अदकि प्रचंड हवा देल नळसकु आगताव, तरी भी ऊंद स्याळदतुसा सा पतवार इन द्वारा माझी इन इच्छा

* 2:23 २:२३ उत्पत्तशि१५:६

अनन्द अनुसार तरिगुसकु आगताव. ⁵ हांग अच ल्यालग्या भी ऊंद स्याळदतुसा सा हसिसा आद अदकि अद धोळद-धोळद डींग होडुतद. जरासा सोची, थ्वाळासा बेक्की देल याट धोळद आळी दा बेक्की हत्तेगतद. ⁶ ल्यालग्या भी ऊंद बेक्की हुन; ल्यालग्या नाम मय इन हसिसा दा अन्याय इन दुनया हुन, अदकि सप्पा मय मा कलंक हचतद, अदकि जीवन-गर्ता मा बेक्की हच बुळतद, अदकि नरक कुण्ड इन बेक्की देल होत्त ईरतद. ⁷ यतकी सप्पा प्रकार इन आळी, पशु, पक्षी, अदकि रेंगसावाळा जन्तु, अदकि नीर इन जीव जन्तु रा मंळसा जाती इन वश दा आग सकताव अदकि आगेग्याव भी, ⁸ लेकीन ल्यालग्या अक मंळसागोळ दा टु याऊ वश दा माळ सकालुन; अद ऊंद हगि बला आद जो यागलु अच रूकसाल, अद जीव नाशक जयर देल तुमकु आद. ⁹ इदुर देल अच नाव प्रभु अदकि आप्प उन सत्तुती माळतेव, अदकि इदुर देल अच मंळसागोळी जो परमेश्वर उन स्वरूप दा पैदा आग्यार शराप कोळतेव. ¹⁰ ऊंद अच बाय देल धन्यवाद अदकि शराप येदुदु होळताव. हे नान वार्टुरा अदकि आकतीगेरा, हगि ईला आग पायजे. ¹¹ येन नीर इन सोता अनन्द ऊंद अच बाय देल सय अदकि डवला नीर येदुदु होळताव? ¹² हे नान वार्टुरा, येन अंजीर इन मार्र मा जैतून, या अंगुर इन केई मा अंजीर हत सकताव? हांग अच डवला नीर इन सोता टु सय नीर होळ सकाल.

स्वर्गीय बुद्धी

¹³ नीम दा बुद्धमिान अदकि समझदार याव आन? जो हगि आन आव तान क्याल्सागोळी वळ्लीद चाल चलन देल आ नम्रता सहति प्रगट माळुल जो ग्यान देल पैदा आगतद. ¹⁴ लेकीन नीव तान-तान मन दा जलन, कळवाहट अदकि स्वार्थीपन ईटतीर, रा बुद्धी मा घमण्ड माळकु सच्चाई इन वरिध दा पाप माळवाळी. ¹⁵ ईद ग्यान अद आल्लच जो

स्वर्ग टु ईळुतद, उलटा सांसारकि, अदकि शारीरकि, अदकि शैतानी आद. 16 यतकी यल जलन अदकि स्वार्थीपन ईरतद, अल अव्यवस्थापन अदकि सप्पा प्रकार इन बेकार मातगोळ आगताव. 17 लेकीन जो ग्यान स्वर्ग टु बरतद अद पयले रा पवतिर ईरतद बाक मलिनसार, मुलायम अदकि शांतीमय अदकि दया अदकि वळ्ळीद काय देल लटालोम अदकि पक्षपात अदकि कपट रहति ईरतद. 18 शांती प्रस्थापति माळावाळेर लॉकुरी अच न्यायी जीवन इन काय प्राप्त आदीत अगर अदरी शांतीपूर्ण वातावरण दा बोऊस्कु आग्याद.

4

दुनिया से संगीपना

1 नीम दा लळाई झगळागोळ यल टु होटबंदव? येन ईद नीम इच्छागोळ देल आगाल्द जो नीम मय दा लळाई-झगळा माळताव? 2 नीव चाहासतीर, लेकीन नीमी सकाल; इदुरसाटी नीव हत्या माळतीर. नीव पुरा रीतदिले इच्छा ईटतीर, अदकि येनु हासलि माळ सकालीर; इदुरसाटी नीव लळाई अदकि झगळा माळतीर. जो नीव चाहासतीर नीमी सकाल यतकी नीव परमेश्वर से बेळालीर. 3 नीव बेळतीर लेकीन नीमी सकाल, इदुरसाटी कबेकार इच्छा माळकु बेळतीर, कितान भोग-वलास दा हारस बुळी. 4 हे वश्वासहीन लॉकुरा, येन नीव जान्सालीर कि दुनिया से संगीपना माळोद परमेश्वर से दुश्मनी माळोद हुन? जो यावारा दुनिया अनूद संगी आगोद चाहासतान, आव तान तान इक परमेश्वर उन दुश्मन माळतान. 5 येन नीव ईद समसतीर कि पवतिरशास्त्र बेकार अनतद, “याता आत्मा अक आव नाम बुळ्क घळुस्यान, येन अद हगि लालसा माळतद यदुरद प्रतफिल इरष्या आगुल?” 6 आव रा मातत यक्कुल अनुग्रह कोळतान; ई कारण ईद शास्त्र दा लखिस्कु आद, “परमेश्वर अभिमानीगोळ्द वरिध माळतान लेकीन गरीबगोळ मा अनुग्रह

माळतान.” 7 इदुरसाटी परमेश्वर उन हात्ती आगेगी; अदकि शैतान उन सामना माळी, रा अद नीम्द हात्ती टु ओळकु होदति. 8 परमेश्वर उन हात्ती बरी रा आव भी नीम्द हात्ती बंदान. हे पापीगोळा, तान कय तोळ कोमी; अदकि हे पाखंडी लॉकुरा, तान मन इक शुद्ध माळी. 9 दुखी आगी, अदकि शोक माळी, अदकि वर्ली. नीम्द नेगगोद शोक दा, अदकि नीम्द खुशी उदासी दा बदलुसुल. 10 प्रभु उन मुंद नम्र बन्सी रा आव नीमी म्याकुच नेगदान.

मसीह वार्टुर मा दोष हचोद

11 हे वार्टुरा अदकि आकतींगेरा, आबुर दाबुर अपमान माळबाळी. जो तान मसीह वार्ट उन अपमान माळतान या मसीह वार्टुन मा दोष हचतान, आव व्यवस्था अन्द अपमान माळतान अदकि व्यवस्था मा दोष हचतान; अदकि अगर नी व्यवस्था मा दोष हचत्या, रा नी व्यवस्था मा नळावाळा ईला पर अदुर मा न्याय माळावाळा ठहरुसुद. 12 व्यवस्था कोळावाळा अदकि न्याय माळावाळा रा ऊंद अच परमेश्वर आन, आव आबना अच ऊळस सकतान या नाश माळ सकतान. नीव याव आगतीर तान मान्ना हातळोर न्याय माळावाळेर?

घमण्ड इन वरिद्ध चेटावनी

13 केळी, नीव जो ईद अनतीर, “ईद या नाळ नाव यातोदारा अदकि नगर दा होगकु अल ऊंद वर्ष बतुसेव, अदकि व्यापार माळकु पैस्या कमसेव.” 14 अदकि ईद जान्सालेव कि नाळ येन आदीत. केळ रा कोमी, नीम्द जीवन आद अच येन? नीव रा भाप इन घाई आईर, जो घळीतीम काळसतद बाक गायब आगेगतद. 15 इदुर उलटा नीमी ईद अनली पायजे, “अगर प्रभु चाहास्यान रा नाव जतित्ता ईत्तेव, अदकि ईद क्याल्सा या अद क्याल्सा भी माळेव.” 16 लेकीन ईग नीव तान डींग होडुतीर अदकि घमण्ड माळतीर; हगि सप्पा घमण्ड बेकार आगतद.

17 इदुरसाटी जो यावारा भलाई माळोद जान्सतान लेकीन माळालुन, आव पाप इन दोषी आन.

5

धनवानगोळी चेतावनी

1 हे अमीरगोळा, केळ रा कोमी, नीव तान बरावाळा वपित्तीगोळ मा वर्ली अदकि ऊंचा स्वर देल वलिाप माळी. 2 *नीम धन हुळतोर्ग्याद अदकि नीम फळक्यागोळी उदई हत्तेर्ग्याद. 3 नीम वहान्ना-बेळ्ली दा जंग हत्तेर्ग्याद; अदकि अद जंग नीम मा गवाही कोट्टीत, अदकि बेक्की घाई नीम मास तदि बुट्टीत. नीव आखरी दुनय्या दा धन जमा माळीर. 4 नोळी, याता क्याल्सावाळेर नीम केई दा मजदूरी माळदुर, आंदुरद अद मजदूरी जो नीव ध्वाका कोटकु ईट बुट्टीर कटिरेत्याद, अदकि कडावाळेरद आक्रोश सर्वशक्तमान प्रभु उन कवि ताका ओळेरग्याद. 5 नीव पृथ्वी मा भोग-वलिास दा हतकु ईत्तीर अदकि हापाळ सुख भोग्सदरि; नीव ई वध इन दनि इन साटी तान मन इंद पालन-पोषण माळकु खुद इक मोटा-तरोताजा माळदीर. 6 नीव न्यायी मंळसा अक दोषी ठहूसकु कोंद बुट्टीर, आव नीम सामना ईला माळायदुन.

धीरज अदकि प्रार्थना

7 इदुरसाटी हे वार्दुरा अदकि आकतींगेरा, प्रभु उन आगमन ताका धीरज ईटी. नोळी, कसान पृथ्वी इन कमिती फसल इन आशा ईटतेला पयला अदकि आखरी माळ बळिस ताका धीरज ईटतान. 8 नीव भी धीरज ईटी; अदकि तान आशा अक माळकु ईटी, यतकी प्रभु उन आगमन हात्ती होट बंदाद. 9 हे वार्दुरा अदकि आकतींगेरा, आबुर दाबुर प्रती सकायत माळबाळी ताकी परमेश्वर नीम न्याय माळबाळुल; नोळी, न्यायाधीश प्रगट आगदुर मा आन. 10 हे वार्दुरा अदकि आकतींगेरा, याता

* 5:2 ५:२ मत्ती ६:१९

भवषियवक्तागोळ परभु उन हेसुर देल मात माळदुर, आंदरी दुख नेगोद समय आंदुर धैर्य अक ऊंद आदर्श समसी. 11 नोळी, नाव आ भवषियवक्तागोळी यार धीरज ईटदुर धन्य अनतेव. नीव अय्यूब उन धीरज इन बारा दा रा केळदीर अच, अदकि प्रभु उन दी टु जो अदुरद प्रतफिल आत अदरी भी अर्त कोंडीर, यदुर देल प्रभु उन यककुल करूणा अदकि दया प्रगट आगतद.

12 ✨लेकीन हे नान वार्दुरा अदकि आकतींगेरा, सब से धोळ मात ईद आद कि करिया ईला तनिोद, ना आकाश इन, ना धरती इन, ना यातोवारा दुसरा चजि इन; लेकीन नीम मातकात हव इन हव, अदकि ईला अनूद ईला ईरूल, कि परमेश्वर उन न्याय नीम मा बरबाळुल.

13 अगर नीम दा यावारा वपित्ती दा बदिन? रा आंदरी प्रार्थना माळ पायजे. येन नीम दा यावारा खुश आन? रा आंदरी स्तुति अनूद भजन हाळ पायजे. 14 ✨येन नीम दा यावारा रोगी आन? रा आंदरी पायजे किमंडली इन स्याणा गवाहगोळी कारूल, कि आंदुर आंदुर साटी प्रार्थना माळुल अदकि आंदुर मा प्रभु उन हेसुर देल जैतून इन याण्णा हचुल. 15 अदकि वशिवास इन प्रार्थना अनूद द्वारा रोगी ऊळस्यान अदकि प्रभु आऊक मातत्त स्वस्थ मय प्रदान माळ्यान; अदकि अगर आव पाप भी माळीदान, रा अव भी माफ आगेदव. 16 इदुरसाटी नीव आपस दा आबुर दाबुर मुंद तान-तान पापगोळी मान्स कोमी, अदकि आबुर दाबुर साटी प्रार्थना माळी, यदुर देल चंगा आगेगी: न्यायी जन इन प्रार्थना प्रभावशाली अदकि परिणाम कारक आगतद. 17 * एलयियाह भी रा नाम घाई दुख-सुख भोगसावाळा मळसा ईरोन; अदकि आव गळिगळिास्कु प्रार्थना माळदुन कि माळ बरबाळुल; अदकि साढे मुर वर्ष ताका पृथ्वी मा माळ बंददील. 18 बाक आव प्रार्थना माळदुन, रा आकाश टु माळ बत्त, अदकि

✨ 5:12 ५:१२ मत्ती ५:३४-३७
१ राजा १७:१; १८:१

✨ 5:14 ५:१४ मरकुस ६:१३

* 5:17 ५:१७

पृथ्वी फलवन्त आत्त. 19 हे नान वार्टुरा, अगर नीम दा टु यावारा सत्त्य अन हादी टु भटकुस्थान अदकि यावारा आऊक हादी मा तरूल, 20 ☆रा आव ईद जान्स कोमुल कि जो यावारा यातोदारा भटकुस्त पापी इक हादी मा तंदान, आव ऊंद जीव इक सोत्तुर देल ऊळस्थान अदकि अनेक पापगोळ मा परदा हाक्यान.

परमेश्वर उन खरा वचन
The Holy Bible in the Holiya language of India: परमेश्वर
उन खरा वचन

copyright © 2020 The Word for the World International

Language: Gohllaru (Holiya)

Contributor: The Word for the World International

परमेश्वर उन खरा वचन
व्हाशोद नयिम, 2020

The New Testament in Holiya Language

The Word for the World International

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-08

PDF generated using Haiola and XeLaTeX on 21 Feb 2024 from source files dated 9 Apr 2023

3943f9d0-5b35-54ad-8e8f-1b7bf74924c6